



**Juris Canonici Theoria Et Praxis, Ad Forum Tam
Sacramentale quàm contentiosum, tum Ecclesiasticum,
tum Seculare**

Cabassut, Jean

Lugduni, 1698

VIII. De officio & potestate Episcoporum, & eorum jure dispensandi circa
vota.

[urn:nbn:de:hbz:466:1-62355](#)

ditionis habent, gravior urget ratio in Metropolitis intra fines Provinciæ, in qua judicariâ potestate pollut in appellationum causis, aliisque fruuntur prærogativis. Atque ita judicatum vidimus in favorem D. Ludovici Bretelli Aquisextiensis Archiepiscopi, contra suffraganeum Aptensem Episcopum.



C A P U T VIII.

*De officio & potestate Episcorum, & eorum
jure dispensandi circa vota.*

I. **A**UDEM de Episcorum potestate accumulantur in cap. *Congruente*, de offic. jud. ordinar. & in cap. *Accidentibus*, de excell. Praelat. Istud in primis tenendum, aliam esse jurisdictionem contentiosam, quæ nimurum exigit processum judicarium & forensem strepitum: aliam autem voluntariam, quæ non exercetur pro tribunal, neque cum illo juridico sex contentioso processu. Porro non valet Episcopus extra territorium seu fines Diœcesis suæ contentiosam exercere jurisdictionem, nec in suis quidem subditos, can. *Episcopum*, 9. quæst. 2. At vero potest voluntaria jurisdictione uti extra Diœcесim, modò illam exerceat erga subditas sibi res aut personas, non solum per gratiarum concessionem, verum etiam per sententias pœnales; potest enim in externo ipso foro extra suum territorium edicere, expedire citationem, modò trahat partes ad suum territorium, causas delegare, conferre Beneficia, absolvere à Censuris, dispensare: Geminianus in cap. fin. de election. in 6. Zerola prax. Episc. 1. p. verb. *Jurisdiction*. Et multo fortiori ratione potest subditos suis in alieno territorio à peccatis &c censuris in Pœnitentia Sacramento absolvere.

II. Episcopus privatim potest in alieno territorio uni ac alteri sibi subdito conferre Tonsuram, sed non aliquem Ordinem, ut post Albericum docet Rebuffus tract. de nominationibus, quæst. 14. num. 49.

III. Similiter Episcopus, quin etiam ipsius quoque Vicarius Generalis potest extra diœcesis fines existens conferre subjecta sibi Beneficia: Gloss. & DD. in cap. *Novit*, de offic. Legat. de Selva de benef. 3. part. quæst. 40. & 63. Rebuffus d. tractat. de nominat. quæst. 14. num. 49.

IV. Contentiosam vero jurisdictionem non potest Ordinarius exercere in alieno territorio, nisi quando impeditur illam exercere in proprio; quo casu poterit jus dicere in alieno territorio convicino, petitâ priùs tamen

D 2 venia

venia ab Episcopo loci, quanvis non obtentā: Clement. i. de foro compet. Quæ venia non est necessariò petenda circa exercendos actus jurisdictionis voluntariae in aliena diocesi.

V. Episcopus loci in quo admissum est crimen, potest ibidem alienum Clericum illius criminis reum judicare, cap. Postulati, de foro compet. conformiter ad ipsum Jus Civile, leg. Delegatorum, §. Interdicere, D. de interdictis & relegat. Similiter Episcopus, in cuius Diocesis situs est fundus, aut Ecclesia litigiosa, est competens Judex litis motae inter partes alienae Diocesis, cap. Sanè si Episcopi, de foro compet.

VI. Omnia possunt in suis Diocesisibus Episcopi, quæ neque divino juri opponuntur, neque Papa sibi reservavit: Panormitanus in cap. Quibusdam, de pœnis, Joan. Andr. in cap. Licet Canon, de election. in 6. in vers. Carere: & colligitur ex cap. Nuper, de sent. excomm. ubi dicitur: Quia tamen conditor Canonis ejus absolutionem specialiter non retinuit sibi, eo ipso videtur concessisse aliis facultatem relaxandi.

VII. Episcopalis tum officii, tum potestatis pars præcipua in visitatione Diocesis posita est, ad explorandos & reparandos occurrentes in rebus & in personis defectus, ad contiendos in Officio Clericos, ad extirpanda scandala, atque ad ordinanda quæcunque ad Ecclesiæ cultum & Fidelium ædificationem pertinent. Hæc verò constituit Carolus IX. in Comitiis Aurelianensis, cap. 11. Omnes (inquit) Canonici & Capitula Ecclesiastarum, sive Cathedralium, sive Collegiatarum, indifferenter subiecta erunt Episcopo Diocesis, adeò ut nullius privilegii pretextu possint se eximere visitationi, aut correctioni, ac pœnis criminum ab Episcopo infigidendi. Id confirmatur Decreto Tridentinae Synodi sess. 6. cap. 4. de reform. Capitula (inquit) Cathedralium & aliarum Ecclesiastarum, illarumque personæ, nullis exemptionibus, consuetudinibus, sententiis, juramentis, concordiis, que tantum suos obligant authores, non etiam successores, tueri se possint, quominus à suis Episcopis, & aliis majoribus Prælatis, per seipso solos, vel illis quibus sibi videtur adjunctis, & juxta canonicas sanctiones roties quoties opus fuerit, visitari, corrigi & emendari etiam auctoritate Apostolica possint & valeant. Sacris Canonicis Episcopi astringuntur ad visitandam quotannis, si provide fieri possit, universam diocesim; aut si majoris sit amplitudinis, singulis saltem bienniis. Et si nequeat Episcopus hoc totum per se exequi, tenebitur saltem hoc officium idoneis & probatissimis Clericis committere. Can. Decernimus, can. Episcopum, can. Placuit, 10. quæst. 1. & Concil. Trident. sess. 24. cap. 3. de reform. His conformatur Blefensium Comitiorum articulus 2. Quid verò possit, vel non possit Episcopus in Visitatione circa exemptorum Ecclesias, expomens infra cap. 11. hujusc libri.

VIII. Beneficiorum collatio ita Episcoporum propria est, ut nec ad eam jus habeat Vicarius Generalis sine speciali ab Episcopo commissione, cap. fin. de offic. Vicar. in 6. Nemini verò potest ulla Præbenda seu Beneficium.

cium conferri nondum Clerico, cap. 2. de institut. Sicut nec stipendium, nec militares Praefecturas illis attributi Leges permittunt, qui militiae non sunt ascripti, l. Fortissimi, Cod. de erogat. milit. annon. lib. 12.

X. Sine proprii Episcopi Dimissoriis nemo potest Ecclesiasticis Ordinibus, imò neque Tonsurā Clericali initiari, secundum vulgatissimos Canones. Quisquis verò à Papa Privilegium obtinuit recipiendi Ordines à quocunque Episcopo, hic non est ordinandus, nisi loco Dimissoria rum Literarum producat proprii Episcopi Literas de vita & moribus testi moniales.

X. Synodum Diocesanam quotannis convocare, Episcoporum potesta sis simul & officii est, ex praescripto Concilii Tarragonensis can. 8. & Tridentini sess. 24. cap. 2. de reform. In hujusmodi Synodis possunt Episcopi ex iusta & urgente causa Missarum celebrandarum onera, etiam ex defunctorum fundatione constituta, moderari & reducere. Quemadmodum possunt pariter Regularium Ordinum Generales in suis Capitulis generalibus Misericordias, quibus eorum Monasteria foundationis lege stricta sunt, ex rationabili causa reducere permisso Concilii Tridentini sess. 25. cap. 4. Verum edidit Sacra Congregatio posterius Decretum anni 1625. ab Urbano VIII. confirmatum, prohibens Episcopis & Ordinum Generalibus reductiones Misericordiarum.

XI. Item dispensandi jus & potestas spectat ad Episcopos circa qualcumque censuras & irregularitates ex occulto delicto provenientes, solis exceptis illis, quae ex homicidio voluntario procedunt, aut ex delictis ad forum contentiosum deducuntur. De hac potestate fuisse differemus infra, ubi materia Irregularitatum ex professo tractabimus.

XII. Possunt pariter Episcopi circa Matrimoniorum impedimenta non dirimentia dispensare, excepto simplici Religionis aut perpetua Castitatis voto. Ita Sanctus Antoninus, Paludanus, Navarra, aliquie communiter. Quin etiam potest quandoque Episcopus relaxare aliqua dirimentia impedimenta, cum his tamen restrictionibus & moderamine: Primum, ut valeat ista dispensatio circa solum interius seu conscientiae forum. Secundum, ut bona fide & ex ignorantia impedimenti contractum fuerit Matrimonium. Tertium, ut impedimentum sit occultum, nuptiae verò palam contractae. Quartum, ut Papa sive Legatus adiri non possit ob conjugum paupertatem, rusticitatem, aut infirmitatem; aut etiam quia absque evidenti mortalisi peccati periculo differri vel expectari nequeat Romanæ Sedis dispensatio. Ita Sanchez, Azorius, Coninch, Bonacina, aliquie communiter Summista. Potest quoque Episcopus hanc aliis potestatem delegare, ex eorundem Authorum mente.

XIII. Dispensandi insuper in votis potestatem habent Episcopi, sive omnino ea relaxando, sive in alia quædam bona opera comunitando, etiam vota ipsa, vel juramenta promissoria, dummodo iusta causa subsit.

D 3 solis

solis exceptis solemnis, sive in Sacra Ordinatione, sive in Regulari Professione emissis, & quinque simplicibus votis, scilicet continentiae perpetuae, professionis religiosae promissae, & trium peregrinationum, Jerosolymitanarum, Romanarum ad limina Apostolorum Petri & Pauli, & Compostelanae ad Sanctum Jacobum, quae sibi Papa reservat.

XIV. Imò etiam hoc receptum est & in confesso apud Doctores, ut quando castitatis votum non est absolutum, sed ad aliquam circumstantiam restrictum, possit in eo quoque ex rationabili & justa causa Episcopus dispensare, ut si votum sit ad tempus, & non perpetuum, aut si non sit præcipue intentum, sed in alia re præcipue intenta inclusum, cuiusmodi est si quis vovit Sacrum Ordinem suscipere, cui utique annexitur perpetuae continentiae votum; si quis promisit non intrire Matrimonium, quo voto castitas omnimoda non continetur, potest in his per Episcopum dispensari. Is quoque qui vovit arctiore ingredi, verbi causâ, Cartusionum Religionem, potest ab Episcopo dispensari ad mitiorem Religionem, cum in eo subsistat adhuc ad Religionem obligatio, nec versetur illa Episcopalis dispensatio nisi circa unam aliquam Religionis circumstantiam. Hoc docent Sylvester verb. *Votum 4. num. 3. §. Sextum*, Sanchez in Opere Morali, lib. 4. cap. 40. num. 74. Lessius lib. 2. de justit. cap. 40. dub. 18. quæst. 8. Azorius 1. part. lib. 11. cap. 18. quæst. 8. Bonacina in 2. Decalogi præcepti. disput. 4. quæst. 2. punc. 7. §. 4. num. 21. & Navarra cap. 12. num. 76. Præterea quisquis sub aliqua conditione voto se astrinxit in materia Papali dispensationi reservata, potest Episcopi dispensatione relaxari, modo nondum sit impleta conditio: ut si filius aut filia perpetuam voverit continentiam, si pater ex bello vel captivitate redeat incolumis; aut si quis voverit Jerosolymam proficisci, si rem amissam recuperaverit. Ratioque Summisstarum communis est, quia absoluta, & disertè concepta vota esse convenient, ut Papæ reservata censeantur; & quia ita necesse esse compertum est ob gravia animarum pericula, quibus se quamplurimos implicare videmus ex nimia facilitate & præcipiti fervore se votis astringendi. At verò si voti conditio jam sit adimpleta, non alia supercessi liberationis via præter recursum ad Papam in aliquo ex quinque praefatis votis. Insuper si votum circa reservatam materiam non sit principale, sed accessoriū, consentiunt unanimes Doctores subesse quoque dispensationi Episcopali: ut si quis voverit nunquam alea ludere sub pena & obligatione ingrediendi Religionem; ibi enim non erit ei necessarius ad Papam recurfus, poteritque per Episcopum relaxari à Religionis ingressu, & ab illo nexus non ludendi alea, qui voto productus fuit, tametsi alia obligatione adhuc subsistente ei foret alea prohibita: potest enim ex duobus vinculis unum solvi, altero remanente, adeo ut sequens transgressio non producat duplex, sed unum dumtaxat peccatum. Illa quoque valde notabilis est decisio S. Antonini p. 3. tit. 11. cap. 2. §. 9. his ipsis verbis:

Hoc

Hoc autem videtur, quod si quis in laxiori voverat arctiorem Religionem, quod Episcopus possit dispensare; quia non est votum perpetua continentia, nec votum Religionis simpliciter, cum jam sit obligatus ad utrumque, sed solum est subrogatio voti: unde videtur, quod Episcopus possit dispensare. Et similiter in voto simplici arctioris Religionis liceret in laxiorem transire (scilicet per Episcopi dispensationem) non autem liceret in seculo remanere. Haec Sanctus Antoninus Episcopus simul & Regularis.

X V. Item potest Episcopus dispensare ubi dubitatur utrum votum reservationis Papalis fuerit obligatorium, ut si res in ambiguo sit, utrum sufficiens intervenerit deliberatio circa votum quod quis se emisisse certus est. In dubiis quippe benigniori parti favendum: & ipsa quae Summo Pontifici reservantur vota, debent esse indubitate. Sanè si quis dubitaret an votum emiserit, non opus habet ulla dispensatione. In his enim dubiis quae respiciunt substantiam voti, & non circumstantiam, ut est, an sufficiens deliberatio extiterit, seu an votum ipsum quoad substantiam emisum fuerit, non admittitur, sed servatur incolunis pristina libertas. In praefatis omnes ferè Doctores convenient, agnoscentes quantum expedit animarum saluti easdem laqueis extricare, quibus se facile & plerunque ipso diabolo sub specie boni solicitante implicant, eaque occasione superadditis reservationum difficultatibus novis se contraventionum sacrilegarum laqueis involvunt, à quibus ex fragilitate humana vix possunt expediri.

X VI. Notandum porro est, si quando dispensaverit Episcopus circa votum Pontifici Summo reservatum, non quidem ob conditions voti non absoluti, aut indirecte concepti, aut conditionati, aut ambigu, aliisve similibus circumstantiis affecti (quibus casibus absoluta, & perpetua validitatis indulget ab Episcopis dispensatio) sed tantum in aliis casibus ob solam rationem gravis & imminentis periculi offendæ Dei, aut scandali quod sequuturum timetur ex dispensationis Papalis dilatione; hoc solo casu notandum est dispensationem, quam interea indulget Episcopus, non perimere, sed solum suspendere voti obligationem. Idcirco ille qui absolutum perpetuae castitatis votum transgressus fuit, dum se matrimonio alligavit, poterit subinde ab Episcopo dispensari circa debitum conjugale: sed tamen soluto per conjugis mortem matrimonio, tenebitur pristino voto, quandiu Papa cum illo non dispensaverit.

X VII. Quæritur, an possit Episcopus dispensare super voto in aliquo Tertii gratiam emissio, ut si quis voverit eleemosynam dare tali pauperi, vel Ecclesiæ, vel pia domui? Distingui à Doctoribus solet inter votum acceptatum, & non acceptatum. Si acceptatum sit, non licet dispensare hac ratione, quia Tertius aliquis privaretur jure suo quod habet in re per acceptationem ac legitimam stipulationem; sic enim ei fieret injuria. Sed si promissio illa votiva non fuit acceptata, sive ab eo cuius interest,

terest , sive ab alia persona ejus vice ac nomine , tunc si rationabilis causa interveniat , poterit peti , & concedi ab Episcopo dispensatio.

XVIII. Ulterius queritur , an si ejusmodi votum in alterius gratiam emissum Confessarius exceperit , censeatur acceptasse nomine personae vel loci per votum designati ? Probabilis est ista Bonacinae responsio , censi-feri Confessarium acceptasse nomine Dei , cuius in confessionibus vicem gerit ; non autem privato nomine loci vel personae , quibus praecise consulere ac providerre non astringitur ex suo officio ; ac proinde illius acceptatio non parit novum jus in favorem Tertii . Bonacina tom. 2. disput. 4. quæst. 2. punct. 7. §. 4. num. 25.

XIX. Præterea queritur , an requiratur dispensatio , ut quis solvatur voto quod se dubitat emississe ? Respondendum non requiri , quia nulla subest obligatio . In dubiis enim juxta regulam juris , melior est conditio possidentis : & nemo in re dubia privandus est sibi connaturali & ingenita libertate , etiam si (ut Lessius docet lib. 2. de justitia , cap. 40. dub. 17. num. 113.) tale sit dubium , ut quavis homo probabiliter opinetur non extare talem obligationis causam , magis tamen inclinetur ad opinandum extare causam obligationis ; quia ad tollendam libertatem nulla sufficit probabilitas , sed requiritur absolute certitudo .

X X . In summa , competit solis Ecclesiæ Prælati jurisdictionem exter- ni fori habentibus , illa sive relaxandi , sive commutandi voti potestas . Et cum sit ista dispensatio actus jurisdictionis , competit Episcopis statim atque confirmati à Sede Apostolica fuerint , quavis needum fuerint ordinati , quemadmodum & reliqua jurisdictionum species ; solaque potestas Ordinis prærequirit consecrationem . Quin etiam jurisdictionis potestatem potest confirmatus , & nondum ordinatus Episcopus aliis delegare , ut sæpenumerò fieri videmus .

X XI . Differt autem à dispensatione irritatio votorum : & hæc aliis competit personis quam Episcopis . Primo enim potest regularis Superior suorum Religiosorum vota quævis irritare , excepto voto arctioris Religionis subeundæ . Et disertè dicit S. Thomas 2. 2. quæst. 88. art. 8. ad 3. nullum Religiosi votum esse firmum , nisi de consensu sui Superioris . Vota quoque impuberum possunt à patre vel tutore fieri irrita , ut colligunt Doctores ex can. *Mulier* , 31. quæst. 2. & ex cap. 1. de Regular. in 6. Puberum tamen vota ut in irritum revocentur , etiam ab ipsorum patre , necesse est , ut ordini familiæ , vel patriæ potestati obstant , ut sunt jejuniorum , aut peregrinationum , aut similia vota . Conjuges etiam possunt alter alterius vota irrita facere , quæ juri alterius incommodant , aut statui vel administrationi familiæ ; quavis plus juris marito in uxoris vota tribuere videatur S. Thomas loco cit . dum ait , nullum uxoris votum esse firmum , nisi sit de consensu viri . Et fundari videtur jus illud majus in eo , quod juxta Apostolum Ephes . 5. vir caput est mulieris , & non mulier viri . Ve- rumtamen

rumtamen non omnis subiectio secum infert illimitatam omnia vota invalida faciendi potestatem. Si vero opposas Numerorum caput 30, quo patri & marito tribuitur potestas quaecumque vota filiae & uxoris irrita per suam contradictionem faciendi: Responsio in promptu est, legem illam esse ceremoniale, & ad solam pertinere Synagogam. Et vero compertum est, non competere patri adeo illimitatam in Ecclesia Christi potestatem circa vota filiae, qualis illo capite sancitur. Stet igitur eadem in perimendis filiorum & conjugum votis posita superioris limitatio, nimirum si ordinem familie, aut patriae, vel tutoriae, vel conjugalis juris, aut potestatis perturbent. Ad postremum Abbatissae possunt quidem Monialium suarum vota in irritum adducere, si quomodocumque regimini monastico, aut communii familie ordini, aut Monialis valetudini, aut debita sibi subjectioni officiant: sed non possunt dispensatione relaxare, quia jurisdictione carent.



C A P U T I X.

Prosequutio potestatis Episcoporum.

I.  OTEST Episcopus familiarem suum, quanvis non subdividit, si secum triennio commoratus fuerit, ordinare, dummodo statim Beneficium illi conferat. Concilium Trident. sess. 23. cap. 9. de reform. * Nisi sic ordinatus patrimonium sufficiens habeat; tunc enim cessante ratione legis, cessat illa Episcopi obligatio.]

II. Potest praterea diebus Dominicis, aut festis per annum minores suis subditis, aut habentibus dimissorias, Ordines conferre, necnon Tonsuram uniuersitatem, vel duobus extra tempora jejuniorum, can. *De eo autem*, de tempor. ordinat. Quinimodo primâ Tonsurâ initiare potest quocumque anni die illum qui mox suscepturnus est Ecclesiasticum Beneficium, ut docent Ostiensis, Graffius, Bonacina, aliquique afferentes id passim esse consuetudine indubitate receptum.

III. Episcopus concedere potest unius anni Indulgentiam in die Dedicationis Ecclesiae. At in anniversario Dedicationis, & aliis quibuscumque occasionibus potest Indulgentiam concedere dierum quadraginta, can. *Cum ex eo*, de poenit. & remiss. ex Concilio Lateranensi generali sub Innocentio III. Exinde constat, Indulgentiarum concessionem non esse actum ordinis, sed tantum jurisdictionis; eo quod potestas ordinis, cum immediate ab ipso Deo conferatur, non possit ab Ecclesia, vel à Pontifice

E limitari